

Taw Qhia Chaw Txias Rau Cov Neeg Cheem Tsum Kev Pab



Ntawv Taw Qhia Cov Neeg Cev Tsis Meej Xeeb Thiab Cov Cheem Tsum Kev Pab Kom Thiaj Paub Mus Nrhiav Chaw Txias Thaum Caij Sov

Lub hom phiaj ntawm daim ntawv no yog los txhawb tej tsoom fwv hauv zej zog los paub npaj, thiab dhia tej Chaw Txias uas cov neeg cev tsis meej xeeb thiab cov cheem tsum kev pab thiaj li tau txais yam kev pab sib luag zos.

Kev Npaj

Haujlwm yuav dhia zoo dua thaum koj npaj ua ntej thiab muaj neeg tuav haujlwm.

- 0 Tiv tauj thiab koom tes nrog tej koom haum pab cuam rau cov neeg cev tsis meej xeeb thiab cheem tsum kev pab (xws li, Area Agencies for Aging, Independent Living Centers, Aging and Disability Resource Centers, thiab Community-Based Organizations) ua ntej, rau thaum, thiab tom qab dhia cov chaw txias no. Tseem ceeb heev rau koj koom tes npaj ua ntej.
- 0 Muab txoj haujlwm nrhiav qhov chaw zoo thiab muaj kev sib txuas lus tau zoo rau ntawm cov chaw txias rau ib tug neeg ua tus dhia. Tus no yuav tsum koom tes nrog cov koom haum uas nkag siab cov neeg cev tsis meej xeeb thiab cov cheem tsum kev pab seb lawv yuav tsum tsim tsa ib qho chaw zoo thiab yuav sib txuas lus li cas rau lawv.
- 0 Cob qhia txhua tus neeg ua haujlwm thiab cov pab dawb seb yuav teb cov lus thov, thiab yog muaj lus nug txog tej kev pab tsim nyog, yuav teb li cas.
- 0 Muab tej chaw txias tso kom caij npav hauv zos mus txog tau thiab nrhiav seb yuav siv cov npav twg tuaj tos. Coob tus neeg uas mus rau ntawm tej chaw txias no yuav xav tau npav thauj mus thauj los.
- 0 Nrhiav seb yuav hu cov koom haum twg uas muaj tau kev pab tsim nyog (xws li, kev txhais lus ASL, tej twj txhais lus lossis tus txhais lus hauv xov tooj, tuam txhab luam ntawv Braille, muab tej ntaub ntawv ua ntawv loj).

Kev Sib Txuas Lus

Muaj ntaub ntawv thiab kev sib txuas lus uas mus cuag tau yooj yim txog yuav ua li cas thiaj noj qab nyob zoo thiab nyob nyab xeeb.

- 0 Tsis txhob nug ib tug twg kom pov thawj tias nws cev tsis meej xeeb ib zaug li.
- 0 Hais tej lus yooj yim uas niaj hnub siv, tsis txhob hais tej lus uas hais txog kev cai thiab lus uas cov kws kho mob siv.
- 0 Muaj cov ntaub ntawv ua tej hom uas nyeem tau yooj yim kom ntawv loj thiab muaj duab.
- 0 Muab cov neeg uas zej zog paub zoo los ua cov nqis tes nthuav tawm.

Tsim Tsa Qhov Chaw

Siv cov ntawv hauv qab no los xyuas seb ib tug neeg cev tsis meej xeeb thiab cheem tsum kev pab yuav mus cuag lub chaw txias thaum caij ntuj sov li cas:



- Puas muaj cov paib tiv uas pom meej, yooj yim nyeem tau uas taw tibneeg mus thoob plaws lub chaw no? Puas sau yam lus sawvdaws nyeem tau lossis yog duab?
- Puas muaj daim ntawv ADA Notification tiv rau hauv? Puas qhia meej tias ib tug neeg twg yuav thov kev pab cuam lossis kev hloov ib yam twg kom yooj yim tau li cas?
- Tej chaw nres tsheb, chaw taug kev, thiab rooj nkag puas tiaj tus thiab nyob ze lub tsev no?
- Lub qhov rooj nkag puas yog ib lug uas tsis tas nce ntaiv?
- Cov qhov rooj puas yooj yim rau ib tug neeg zaum laub qheb tau? Yog tsis muaj, muaj neeg neeg ua haujlwm uas pab qheb tau?
- Tej rooj tso npe nkag puas qes txaus rau cov neeg zaum laub siv tau?
- Qhov chaw no puas muaj rooj tog lossis lwm yam uas thaiv kev (xws li hlab lossis xaim ntev) uas yuav ua rau ib tug neeg dig muag lossis ib tug neeg zaum laub mus dawm tau?
- Puas muaj chav nyob ntsiag to lossis nyob ib leeg rau tibneeg siv?
- Puas muaj chav dej uas poj niam thiab txiv neej siv tau, chaw da dej, thiab chaw rau cov tsiaj pab lawv tus tswv mus tso zis tso quav tau?
- Puas muaj kev tshaj tawm tias yuav tsis nug kom ib tug twg muaj ntaub ntawv qhia seb nws yog leejtwg lossis ntaub ntawv nyob tebchaws no rau ntawm cov chaw txias no?
- Puas muaj chav rau cov qhua uas muaj tsiaj nrog lawv thiab ib chav ntxiv rau cov qhua uas tsis muaj tsiaj nrog lawv (nrog rau cov qhua uas tsis haum tsiaj)? Puas muaj dej rau cov tsiaj haus?
- Puas muaj kev cob qhia lossis kev lom zem ua yam uas nkag siab tau rau cov neeg cev tsis meej xeeb?

Kev Cob Qhia Cov Neeg Ua Haujlwm Thiab Cov Pab Dawb

Muaj kev cob qhia rau cov neeg ua haujlwm thiab cov pab dawb kom paub teb thiab nrog tham thaum ua haujlwm.

- 0 Cob qhia cov neeg ua haujlwm thiab cov pab dawb kom paub nrog cov neeg cev tsis meej xeeb thiab cov cheem tsum kev pab tham seb lawv xav tau kev pab dabtsi thiab tsis txhob kwv yees xwb.
- 0 Cob qhia cov neeg ua haujlwm thiab cov pab dawb kom lawv paub nrog tus neeg uas lawv pab tham ncaj nraim, tsis yog tham nrog tus uas nrog lawv tuaj (xws li tus neeg txhais lus lossis tus neeg saib xyuas).
- 0 Ua tib zoo xyuas kom tagrho cov neeg ua haujlwm muaj xaum thiab ntawv sau lossis ib lub twj ntawm tes los siv thaum lawv nrog ib tug neeg lag ntseg lossis tsis hnov lus zoo tham. Kev sib txuas lus mentsis xwb yuav tsis ua cas, tiamsis yuav kom sib tham ntev loo ces yuav tau nij ib tug neeg txhais lus piav tes ASL.
- 0 Paub zoo txog tej koom haum pab cuam hauv zos yog tias cov neeg ua haujlwm hauv chaw txias no pom ib tug twg coj cwj pwm uas xav tau kev pab lawv thiaj paub taw cov neeg ntawd mus cuag kev pab.
- 0 Cob qhia cov neeg ua haujlwm thiab cov pab dawb kom nkag siab tias yeej pub cov neeg txhawb, cov neeg tu xyuas, thiab cov tsiaj nrog nraim tus neeg uas tuaj ntawd rau lub sijhawm nws nyob rau ntawm lub chaw txias. Cov tsiaj uas pab cuam rau tus neeg ntawd tsis suav tias yog tsiaj yug hauv tsev thiab yuav tsum pub nkag.
- 0 Cob qhia cov neeg ua haujlwm ntawm chaw txias kom lawv paub [cov cim thiab tsos mob ntawm ib tug neeg mob vim sov dhau lawm](#).
- 0 Tsim tsa ib qho rau tibneeg yog lawv muaj lus nug lossis kev txhawj xeeb yuav mus rau qhov chaw twg.

Kev Tu Du Lug Cheem Kev Sib Kis Kab Mob

Muaj ntaub ntawv qhia tias yuav tu li cas lub tsev ntawd thiaj li muaj kev noj qab nyob zoo thiab kev nyab xeeb.

- 0 Xyuas kom tej chav dej muaj tshuaj ntxuav tes thiab ntaub so tes.
- 0 Muaj cov tshuaj pleev tes tua kab mob uas muaj alcohol muaj zog txog li 60% nyob thoob plaws lub chaw txias no, nrog rau ntawm qhov rooj nkag thiab rooj tawm thiab lwm qhov chaw uas neeg nquag mus txog.
- 0 Ua raws li lub koom haum Centers for Disease Control and Prevention (CDC) cov lus cob qhia lus tu du lug [Cleaning and Disinfecting Your Facility](#).
- 0 Tiv paib qhia kev ntxuav tes, kev ua pa kom huv, kev cai thaum hnos, thiab looj ntaub npog qhov ncauj qhov ntswg yog tias nws muaj tej tsos mob.

Ua tsaug rau koom haum Disability Rights Education and Defense Fund thiab cov koom haum hauv xeev California uas pab tawm tswv yim rau daim ntawv taw qhia no:

- Governor's Office of Planning and Research, Office of Community Partnerships and Strategic Communications
- California Department of Public Health, Office of Health Equity and Center for Preparedness and Response
- California Commission on Disability Access